

KRAMPITZ COMMUNICATIONS

PR FOR RENEWABLES
AND TECHNOLOGIES

**Wir sorgen dafür,
dass Sie auch beim Mitsingen
gehört werden**

Echte Kölsche Karnevalslieder zum Mitsingen

KRAMPITZ COMMUNICATIONS

PR FOR RENEWABLES
AND TECHNOLOGIES

Dillenburger Straße 85
51105 Köln
TEL +49 221.91 24 99 49
FAX +49 221.91 24 99 48
E-Mail contact@pr-krampitz.de
WEB www.pr-krampitz.de

25. Windenergietage Potsdam

Viva Colonia – Höhner

Met ner Pappnas jeboore, dr Dom en der Täsch,
hammer uns jeschwoore: Mir jonn unsre Wääch
Alles wat mer krieje künne, nemme mir och met,
weil et jede Aureblick nur einmol jitt...

Mir jonn zum F.C. Kölle un mir jonn zum KEC
Mir drinke jän e Kölsch un mir fahre KVB
Henkelmännche - Millowitsch, bei uns is immer jet loss
Mir fiere jän - ejal ob klein ob jroß - wat et och koss'!

Refrain:

**Da simmer dabei! Dat es prima! VIVA COLONIA!
Wir lieben das Leben, die Liebe und die Lust
wir glauben an den lieben Gott und han auch immer Durst**

Mir han dr Kölsche Klüngel un Arsch huh - su hei' et he!
Alaaf un Ruusemondaach un Aloha CSD
Mir sin multikularisch un sin multikulturell
Mir sin en jeder Hinsicht aktuell - auch sexuell!

Refrain (2x)

Mir lävve hück - nit morje, su schnell verjeiht die Zick
L.M.A.A. ihr Sorje mir lävve der Aureblick

...und der is genau jetz'!

Refrain (2x)

Da simmer dabei!

Inhaltsverzeichnis

Stadt mit K – Kasalla _____	Seite 4
Polka, Polka, Polka – Brings _____	Seite 5
En unserem Veedel – Bläck Fööss _____	Seite 6
Et jit kein Wood – Cat Ballou _____	Seite 7
Die Rose – De Räuber _____	Seite 8
Stääne – De Klüngelköpp _____	Seite 9
Echte Fründe – Höhner _____	Seite 10
Halleluja – Brings _____	Seite 11
Die Hände zum Himmel – Die Kolibris _____	Seite 12
Wenn et Trömmelche jeht – De Räuber _____	Seite 13
Schön ist das Leben – Paveier _____	Seite 14
Immer noch do – Kasalla _____	Seite 15
Unsere Stammbaum – Bläck Fööss _____	Seite 16
Superjeilezick – Brings _____	Seite 17
Rut sin de Ruse – De Boore _____	Seite 18
Rut un wieß – Bläck Fööss _____	Seite 19
Pirate – Kasalla _____	Seite 20
Kölsche Jung – Brings _____	Seite 21
Viva Colonia – Höhner _____	Seite 22
Hück steht de Welt still – Cat Ballou _____	Seite 23

Pirate – Kasalla

Et weed verzällt se han ne Scheff jesinn
Dat kütt vun Zündorf in de Stadt erinn
An d'r Südrück is et ald vörbei
Mer hört nor laache un Jeschrei

11 staatse Sejel, wiess un rut
un in dä Odere kölsches Bloot
Leeven Herjott stonn uns bei
Mer kumme och bei Üch vörbei

Refrain:

**Pirate – wild un frei
Dreimol Kölle Ahoi
Rette sich wä kann, mer lääje aan
Pirate – wild un frei
Dreimol Kölle Ahoi
Und dä Dudekopp op unsrer Fahn
hät en rude Pappnaas aan**

**Heyo!! Hey Hey Ho!
Heyo!! Hey Hey Ho!
Heyo!! Hey Hey Ho!
Heyo!! Hey Hey Ho!**

Der Kahn der schwank, vom Bug noh'm Heck
De Manschaff fiert met Käpten Jeck
Dä Pittermann an Deck jerollt
Dat sinn 10 Liter flüssisch Jold

Die Naach is jung, kutt all eraan
maat rischtich Lärm, zünd't de Lampe an
de Buddel Rum im Würjejriff
Hück versenke mer dat Scheff

Refrain

Wer weiß wie lang die Kääze brenne
Mer danze mem Klabautermann
Und lije mer och eimol op Melaten
Mer sinn op iwig

Refrain

Polka, Polka, Polka – Brings

Der Wind is kalt und rau
und mer wisse janz genau,
et letzte Fass is leer
un die Knoche die sin schwer.
Doch wenn mir zusamme singe,
dann weet dat uch joot klinge,
wat sull uns schon passiere,
sulange mer et Lävve fiere.

Refrain:

**Polka, Polka, Polka
vom Rhing bis an die Wolga.
Polka, Polka, Polka
der Pitter un die Olga.
Kabänes un ne Vodka,
Polka, Polka, Polka
alles halv su schlimm,
wenn mer zusamme sin.
Polka, Polka, Polka
vom Rhing bis an die Wolga.
Polka, Polka, Polka
der Pitter un die Olga.
Kabänes un ne Vodka,
Polka, Polka, Polka
alles halv su schlimm,
wenn mer zusamme sin.**

Un is der Winter noch su lang,
mer glövve fes do dran.
Mer han su viel durchjemaht,
jetz mache mer uns grad.
Un steht die Welt in Flamme,
mer ston all zusamme.
Ejal woher mer kumme,
jetz han mer uns jefunge.

Refrain (2x)

Rut sin de Ruse – De Boore

Lur no däm Stän, den ich dir domols jeschenk,
der sollt dir sare, dat ich an dich denk.
Och unsre Boum, der steit noch do, wo ich dat Hätz erin jemaat,
dä Boum, dä hät uns beiden Jlück jebraat.

Refrain (2x):

**Rut, rut, rut, rut sin de Ruse,
Ruse, die ich an dich verschenke.
Du bis ming Hätz, du bis mie Jlück,
du mäst mich immer noch verrück,
och no all denne Johr.
(Jo jo jo jo, nä nä nä nä)**

Un dräum ich in do Naach dann nur vun dir,
schwebe ich vum Horizont zu dir.
Flejen mir zwei dann durch de Naach,
hät unsre Stän uns anjelaach,
mer freuen uns op jeden neuen Daach.

Refrain (2x)

Et jitt kein Wood – Cat Ballou

Ich ben Lokalpatriot
Met stolzer Bross ming Fahn schwing rud un wieß
Alle wolle noh Berlin, erus en de große Welt
Doch mich kriss de hee nit fott
Ich kann nit sage, wat mich hee häld

Refrain:

**Et gitt kei Wood, dat sage künnt,
Wat ich föhl, wann ich an Kölle denk
Wann ich an ming Heimat denk!**

Han mich immer noch nit satt gehürt
An kölsche Leeder un dem SchmuH vum Rhing
Han mich immer noch nit satt gesinn
An all dä Hüüscher un dem Dom
Doch ich kann nit sage, wat mich hee häld

Refrain

Et gitt dausend schöne Leeder
En jedem stich jet Wohres dren
Doch et geiht unendlich wigger
Denn et es nie zo off gesaht

Refrain

Unsere Stammbaum – Bläck Fööss

Ich wor ne stolze Römer, kom met Caesar's Legion,
un ich ben ne Franzus, ich kom mem Napoleon.
Ich ben Buur, Schreiner, Fischer, Bettler un Edelmann,
Sänger un Gaukler, su fing alles aan.

Refrain:

**Su simmer all he hinjekumme,
mir sprechen hück all dieselve Sproch.
Mir han dodurch su vill jewonne.
Mir sin wie mer sin, mir Jecke am Rhing.
Dat es jet, wo mer stolz drop sin.**

Ich ben us Palermo, braat Spaghettis für üch met.
Un ich ich wor ne Pimock, hück laach ich met üch met.
Ich ben Grieche, Türke, Jude, Moslem un Buddhist,
mir all, mir sin nur Minsche, vür'm Herjott simmer glich

Refrain

De ganze Welt, su süht et us,
es bei uns he zo Besök.
Minsche us alle Länder
ston bei uns hück an de Thek.
M'r gläuv, m'r es en Ankara, Tokio oder Madrid,
doch se schwade all wie mir
un söke he ihr Glöck.

Refrain (2x)

Stääne – De Klüngelköpp

Die ganze Welt, han ich jesinn
Ich wullt nur weg, woanders hin
Ich wor jung, hat winnich Jeld
Ich wullt wohin, wo et mir jefällt

Aanjekumme, dat bin ich nie
Woss meistens nit, wat mich su drief
Doch ming Sehnsuch, wo näher dran
Ich jläuv ich fang vun vürre aan

Refrain:

**Wenn am Himmel die Stääne danze
Un dr Dom sing Jlocke spillt
Jo dann weiß ich dat ich doheim bin
Jo doheim bin heh am Ring
Wenn am Himmel die Stääne danze
Un dr Dom sing Jlocke spillt
Jo dann weiß ich dat ich doheim bin
Jo doheim bin heh am Ring**

Ussjewandert un weg jetrocke
Minsche jon un Minsche kumme
E Stöck vum Hätz blieht für immer heh
Doch dat merkste ez pöh a pöh

Aanjekumme bis do ech dann
Wenn ding Hätz is ohne Jram
Doch für mich do weht et Zick
Ich pack in un jon zoröck

Refrain

Schön ist das Leben – Paveier

Schön ist das Leben
Hüg schlare mir noch immer wie fröher op de Trumm
Noh andere Lück do hammer nie jefroch
Mir sin keen Kostverächter
Un och manchmal schön beklopp
Vum Läwe hammer lang noch net jenooch
Un söken sich och langsam die Falde ihre Wäch
Su ston uns manche janet schläch

Refrain (2x):

**Schön is das Leben
Scheissejal wie alt mer sin
Mir ston immer midden drin
Schön is das Leben
Un et is lang noch net am Eng**

Mim Rucksack un Motorrad
Janz einfach Ohne Ziel
Eimol he bei uns der Prinz zo sin
Mer laufe hüg noch Marathon
Un bießen op de Zäng
Ne aale Boum fällt nit su einfach öm
Es gibt so viele Mädchen
Auf dieser schönen Welt
Un net nur eins dat uns jefällt

Refrain (2x)

Denken och die andere
Mir wören durchjeknallt
Doch zum läwe biste nie zu alt
Un alles wat mer fürhan
Die nächste hundert Johr
Dat mache wir och wirklich wohr, oh joh (rufen)

Refrain (4x)

Halleluja – Brings

Ich han gehoot,
et jitt e Leed
Dat jeder kennt
un jeder singk
Och wenn do met Musik nix am Hot häs
Egal ob do
am fleeje bes
Oder jenoch häs,
vun all dem Driss
Nimm dir e Hätz un sing
Halleluja

Halleluja, Halleluja, Halleluja

Do häs jedach
et Lääve hät ne Sinn
Alles weed jod,
alles haut hin
Un häs do dann
di Liehrgeld berappe müsse
Ejal wie deaf
do jefalle bes,
Wie ramponiert
do widder küss
Nimm dir e Hätz un sing
Halleluja

Halleluja, Halleluja, Halleluja (2x)

Egal wie secher
do dir bes
Wenn ene schwatze Engel ding Siel dir bütz
Nimm dir e Hätz un sing Halleluja

Do häs ne leeve Minsch nevvon dir
Alles jod im Jetz un Hier
Dä Himmel blau, su wigg ding Auge luure

Halleluja, Halleluja, Halleluja (2x)

Die Hände zum Himmel – Die Kolibris

Wenn du heut nicht in der Stimmung bist
Lass doch alles so sein wie es ist
Wir wollen trinken, noch einen trinken
Weil man die Sorgen dann vergisst

Fühlst du dich manchmal auch so allein
Glaub mir, dass braucht gar nicht so sein
Denn heute Abend gehen wir feiern
Die ganze Welt ist ein Verein

Refrain (2x):

**Und dann die Hände zum Himmel
komm lasst uns fröhlich sein
wir klatschen zusammen
und keiner ist allein.**

Wir tun nur noch das, was uns gefällt
tanzen, singen im Saal oder Zelt
nicht alleine
denn das will keiner
uns gehört die ganze Welt

Und an morgen wird heut nicht gedacht
wir feiern weiter die ganze Nacht
lasst uns heben, einmal schweben
und dabei wird nur gelacht.

Refrain (5x)

Wenn et Trömmelche jeht – De Räuber

Jedes Johr em Winter, wenn et widder schneit,
kütt dr Fastelovend un mir sin all bereit.
All de kölsche Jecke süht mr op dr Stroß,
selvs dr kleenste Panz de weeß
jetzt jeht es widder loss.

Refrain (2x):

**Denn wenn et Trömmelche jeht,
dann stonn mer all parat
un mer trecke durch die Stadt
un jeder hätt jesaat
Kölle Alaaf, Alaaf - Kölle Alaaf**

Jo am 11.11. jeht dat Spillche loss,
denn dann weed dr Aap jemaht,
ejal wat et och koss.
De Oma jeht nom Pfandhaus,
versetzt et letzte Stöck
denn dr Fastelovend es für sie et jröbste Jlöck.

Refrain (2x)

Echte Fründe – Höhner

Refrain:

**Echte Fründe ston zesamme,
ston zesamme su wie eine Jott un Pott.
Echte Fründe ston zesamme,
es och dih Jlück op Jöck un läuf dir fott.
Fründe, Fründe, Fründe en dr Nut
jon 'er hundert, hundert op e Lut.
Echte Fründe ston zesamme,
su wie eine Jott un Pott.**

Do häs Jlück, Erfolg un küss zo Jeld.
Dich kennt he op einmol Jott un alle Welt.
Minsche, die dich vürher nit jekannt
kumme us de Löcher anjerannt,
sin janz plötzlich all met dir verwandt.

Refrain

Scholderkloppe, Bravo nimm kei Engk.
Mer fingk dich wirklich toll un
drät dich op de Häng.
Jlücklich, wä sich do nit blende liet
un nit zo vell op schöne Auge jitt,
en jedem Fründe 'ne richtige Fründe och süht

Refrain

Do häs Pech; et jeiht dr Birsch erav.
Verjesse es all dat, wat do bisher jeschaff.
Minsche, die dich vürher jot jekannt,
jevven dir noch nit ens mih de Hand.
Jetz sühs do, wä met Rääch sich Fründ jenannt.

Refrain

Immer noch do – Kasalla

Hück is widder su ne Ovend
Jung wie schön dich he ze sinn
wie lag hann mer nit mi jesproche
ständig in dä Tretmühl drinn
Ejal wie schnell die Welt uch durchdriecht
Hück Naach steht se einfach still

Ich weiß der Wäch der hinger uns lit
jing nit immer nur jradus
Manchmol flüch ma in dä Himmel
Manchmol lit ma op dä Schnüß
All die Narbe, all die Fehler
sinn doch uch e Deil von us
su lang wie ich levve sing ich e Leed
kumm her ich zeich dir, wie et jeht

Refrain:

**Jo, Jo, Jo
mer sinn immer noch do, do,
weil ma su schnell nit kapott jeht
und weil die Sonn immer widder op jeht
singe mer Jo, Jo, Jo
mer sinn immer noch do
drink mit mir op dich un mich und en neues Johr
op dat wat is, op dat wat kütt und op dat wat wor**

Jung wat mer nit all erläv hann
und mer hann noch su vill vür
Loss ma nix davon verjesse
dat bliev he ich schwör et dir
all die kleine Aureblicke, jeder Daach und jede Naach
su lang wie mer levve singe mer unser Leed

Refrain

na na na...

Refrain (2x)

Die Rose – De Räuber

Refrain:

**Wer hat mir die Rose auf den Hintern tätowiert,
wie ist das geschehen, was ist da passiert?
War ich in Hypnose, hat en Ufo mich entführt,
wer hat mir die Rose auf den Hintern tätowiert?**

Mann, war das ne Sause, ich bin noch ganz KO,
ich bin so früh aufgewacht, denn mich zwickt was am Po.
Ich weiß nichts mehr von gestern, nur so viel ist gewiss,
ich ging noch mit zur Rosi, dann hat mein Film nen Riss,
ich ging noch mit zur Rosi, dann hat mein Film nen Riss.

Refrain

Ich traf sie in der Kneipe, nun fällt's mir wieder ein,
sie war im Baggern spitze und ich war nicht aus Stein.
Sie sprach: Ich geb dir alles, was du schon lang vermisst,
und außerdem noch etwas, was du nie mehr vergisst,
und außerdem noch etwas, was du nie mehr vergisst.

Da hat sie mir die Rose auf den Hintern tätowiert,
so ist das geschehen, ja so ist das passiert.
Ich war blau wie ein Veilchen, da hat Rosi mich verführt,
und aus Dank mir die Rose auf den Hintern tätowiert.

Sie hat mir die Rose auf den Hintern tätowiert,
so ist das geschehen, ja so ist das passiert.
Ich war blau wie ein Veilchen, da hat Rosi mich verführt,
und aus Dank mir die Rose auf den Hintern tätowiert,
und aus Dank mir die Rose auf den Hintern tätowiert.

Superjeilezick – Brings

Maan uns die Tüt an,
he is noch lang nit Schluss,
un uch noch en Fläsch op,
ich will noch nit noh Huus.
Ich kenn en paar Schüss,
die han bestimmt wie mer,
Bock op en Party, sag dat jeit doh hier.

Kumm, maach keine Ärjer,
maach uns keine Stress.
Mer sin uch janz leis un maache keine Dress.
A bißje jet Rauche, jet Suffe un dann
lure ob mer mit dä Schüss jet danze kann.

Refrain:

**Nä, wat woehr dat dann fröher en superjeile Zick,
mit Träne in d'r Auge lur ich manchmol zurück.
Bin ich hück op d'r Roll nur noch half su doll,
doch hück Naach weiß ich nit wo dat enden soll.
Nä, wat wor dat dann fröher en superjeile Zick,
mit Träne in d'r Auge lur ich manchmol zurück.
Bin ich hück op d'r Roll nur noch half su doll,
doch hück Naach weiß ich nit wo dat enden soll.**

Et weed immer späder,
drusse weed et hell.
Mer sitze noch zusamme
bei Biercher un Verzäll.
Et is fast wie fröher,
un ich muss noh Huus;
do fängt et an ze schneie,
mitten im August

Et is mir dressejal wenn ich hück umfall,
ob ich schwade,
oder nur noch lall.
Erwachse weede kann ich uch morje noch.
Langsam weed et he jemötlich,
denn die Schüss, die laufe op.

Refrain

En unserem Veedel – Bläck Fööss

Wie soll dat nur wigger jon,
wat bliev dann hüeck noch ston,
die Hüsjer un Jasse
die Stündcher beim Klaafe
es dat vorbei.

En d'r Weetschaff op d'r Eck
ston die Männer an d'r Thek'
die Fraulückcher setze
beim Schwätzje zosamme
es dat vorbei.

Refrain:

**Wat och passeet
dat Eine es doch klor
et Schönste, wat m'r han
schon all die lange Johr
es unser Veedel,
denn he hält m'r zosamme
ejal, wat och passeet
en uns'rem Veedel.**

Uns Pänz, die spelle nit em Jras
un fällt ens einer op de Nas,
die Bühle un Schramme,
die fleck m'r zosamme,
dann es et vorbei.

Refrain

Rut un wieß – Bläck Fööss

Refrain:

**Rut un wieß wie lieb ich dich
Rut un wieß ich jöv et letzte Hemp für dich
Rut un wieß es unser Fahn
Rut un wieß du bes Jesetz
Rut un wieß schläät et echte kölsche Hätz**

Wieß es die Unschuld
Die Liebe die es rut
Uns Junge sin jeräusch
Un uns Mädcher voller Jlut
Wieß sin uns Schiffe
Die fahren op dem Rhing
Rut jlänz d'r Dom
Em Ovendsonnesching

Wat wieß un rut es dat es kölsch
Wat kölsch es es och jot
Für Funke un de Südkurv heiß et oberste Jebot

Refrain

Rut es d'r Wing
D'r Schuum vum Kölsch es wieß
E Bützje an d'r Thek
Dovür es he keiner fies
Mir ston op d'r FC
op Fritte rut un wieß
Tomate Mozarella
Un e schön Spajetti les

Mir han en kölsche Mafia
Do klüngelt Jroß un Klein
Denn janz Kölle es un bliev
E ne Karnevalsverein

Refrain

Stadt mit K – Kasalla

Hallo, Morje, jode Daach
Woröm luurt ihr mich esu aan
Vielleicht hann ich se ni mieh all
doch wo ich häkumm es dat normal
Ich ben e besje sonderbar
e ganz besonder Exemplar
Doch ich ben einer vun einer Million
E Kind vum Rhing un e Sohn vum Dom
Un fröch mich einer "Wo küss Du dann her?"
Dann saach ich ich kumm
us däm Dorf öm dä Dom röm
Wie schwaads dann Du,
sach wo küss Du dann her?"
Schweres ELL und ES CEH HA
Ich kumm us dä Stadt met K
Schalalalala... Schalalalala... Schalalalala
Ich kumm us dä Stadt met K
Ming Mamm es die Stadt met K
Sie is laut, drink vill un schwaad
Off zo schnell äwwer immer jraaduss
Sie is kein Modell äwwer süht jot us
Hey Mamm, mier sinn schwer in Love
Ding Kapell, dinge Fluss, ding Sproch
Karneval et ganze Johr
Rock n Roll un Uff Tata
Un fröch mich einer "Wo küss Du dann her?"
Dann saach ich ich kumm
us däm Dorf öm dä Dom röm
Wie schwaads Du dann,
sach wo küss Du dann her?"
Ich kumm niet Us Amerika –
ich kumm us der Stadt met K...
Ich kumm us dä Stadt met K ...
Un Drissejal watt Du he verlore häss
off De zojetrocke oder he jebore bess
Du bes einer vun einer Million
E Kind vum Rhing un e Sohn vum Dom
Weil uns Mamm einfach jeder adopteet
Der he opwäas oder he si Hätz verleet
Du bes Willkumme in de Städt met K
Hätzlich Willkumme in dä Stadt met K
Schalalalala... Schalalalala... Schalalalala
Ich kumm us dä Stadt met K

Kölsche Jung – Brings

Deutsch-Unterricht, dat wor nix för mich
denn ming Sprooch die jof et do nit
"sprech ödentlich" hät de Mam jesah
Di Zeuchniss dat weed keene Hit
Ich sprech doch nur, ming eijene Sproch
wuss nit, wat se vun mir will
ejhal wat ich saachen dät,
et wor verkeht

Refrain:

**Denn ich ben nur ne Kölsche Jung
un mie Hätz, dat litt mer op d'r Zung
Op d'r Stross han ich ming Sprooch jeliert
und jedes Wort wie tätowiert
op minger Zung
ich ben ne Kölsche Jung**

Oh Oh Oh Oh....

Hück ben ich jlöcklich, dat ich et kann
uns Sprooch, die mäht uns doch us
mor hört schon von Wiggem
wenn eener Kölsch schwaad
do föhl ich mich direkt zu Hus
Wemmer se spreche, dann läävt se noch lang
dann jeht se och niemols kapott
uns Sprooch iss en Jeschen,
vom leeve Jott

Refrain (3x)

Hück steiht de Welt still – Cat Ballou

Jedämf Leech
Die Luff es klamm un wärm
Bunte Luffballons
Alles litt sich Ärm en Ärm
Loss mich vun 'ner Well drieve
Vun ner schöne Melodie
Et letzte Kölsch schmeckt zockersöß
Alles es joot un nix deiht wieh

Refrain:

**Hück steiht de Welt still
För ne kleine Moment
Wenn mr öm sich röm alles verjiss
Hück steiht de Welt still
Un us nem kleine Augebleck weed Iwigkeit
Wenn mer he zesamme sin**

Ich sin dich danze
Uns Blecke treffe sich
Et Leech jlänz op dinger Huck
Un do häs Schweißpääle em Jesich
Kumm nemm mich met
Denn do un ich
Mir sin frei un nit allein
Kumm halt dran fass
Dat weed janz jroß
Dä Moment es he un jetz

Refrain

Leev dr Moment, ne Augebleck
Denn dä kütt nie mieh zoröck
Für uns steiht de Welt hück still